

Dann Gott im himel ist der Man
 Der hoffart gar wol straffen kan,
 Den demütigen setzt auffn thron,
 Wie er sehr viel vnd offt gethon,
 Der Wildman sagt, das strümpficht Ross
 Sein vnrein maul vnd stolzen troß,
 Widr Gott vnd menschen hat gesatzt,
 Gepocht, gescharrt vnd greulich tratzt,
 Im hymel Gott hat pochen welln,
 Auff erd die leut, der grosse Schelm
 Bedrangt, geschmeht, gefangn, getödt,
 Vberaubt, geschlagn, on alle not,
 Allein aus frefel vnd aus trotz,
 Dardurch gesucht sein eygen notz,
 Manch Stadt vnd Dorff mit feur verprant,
 Darumb es ist Mortbrenner genant,
 Viel leut darinn mit gut vnd hab
 Verbrant, merck auff ernloser knab,
 Die Erbar Stadt Goslar genant
 Nun etzlich Jar gantz hart bedrangt,
 Das gmehne vnd ihr sonder gut
 Zum heffttigsten versolgt, inn not
 Vnd angst gesatzt, den Achtbarn man
 Doctor Dellngshausen fahen lahn,
 Inn Keyserlichem frehem gleydt,
 Widr seine trew vnd gschwornen ehdt
 Denselben letzlich auch getödt,
 Darzu ein fromme Jungfraw gnöt
 Ihr ehren wider Gott entsetzt,
 Rhein Stauffenburgk geschickt, zu letzt
 Daselbst gehalten vntherm schein
 Als ob sie todt, die zart vnd fein,
 Die doch viel lebendiger kindt
 Mit ihm gezeugt, dem frommen gfindt,
 Wie er sein Furstin ghalten hat
 Das weisen sein Ehbrechrisch that,
 Dem Furstlichen Stamm zu lob vnd ehr,
 Wil ich darum nicht sagen mehr,
 Was soll ich sagn, wie er mitgfahrn
 Sein Brudr, dem Fursten Hochgeborn,
 In fengknis hielt er ihn Zwelff Jar
 Darmit drang er ihm, gantz vnd gar
 Sein Veterlichen Anfaht ab,

[Xij]

[xv.]